

X E E R

QAYBTA LABAAD

Xeerka Madaxweynaha J.D.S. Lambar 25 taariikh
2 Juunyo 1984 Aqoonsiga Qaxootinimada.

MADAXWEYNAHA J.D.S.

MARKUU ARKAY: Qod. 82aad ee Dastuurka.

MARKUU ARKAY: Xeerka Madaxweynaha J.D.S.
Lambar 47 ee 15ka Luulyo 1979, kuna saabsan hab
ka hirgelinta aqoonsiga Qaxootinimada ee ku soo
arooray axdiga Umadaha Midoobay ee 1951, Boroto
kolka 1969 iyo axdiga Ururka Midowga Afrika ee
nidaamya qaabka gaar ahaaneed ee Qaxootiga

MARKUU AQOONSADAY: In ay lagama maarmaan
tahay in dib loo habeeyo habka sharciyeed iyo maa
muleed ee lagu xaqiijinaayo aqoonsiga Qax/mada.

MARKUU DHEBEYSTAY: Golaha Wasiirrada.

WUXUU SOO SAARAYAA: Xeerka Soo Socda.

Qod. 1aad

SHURUUDAHA AQOONSIGA QAXOOTINIMADA

1. Aqoonsiga Qaxootinimada waxaa la siin karaa
qofka arji u soo qorta Guddiga ku tilmaaman qod. 2aad
ee Xeerkan, lehna shuruudaha ku qoran qod. 1aad ee
axdiga Ummadaha Midoobay ee 1951 ee ku saabsan
Aqoonsiga Qaxootinimada, Borotokolka 1967 ee ku saa
bsan aqoonsiga qaxootinimada ama qod. 1aad ee axdi
ga Ururka Midowga Afrika ee nidaamiya qaabka gaar
ahaaneed ee Qaxootiga Afrika.

2. Habka kor ku qoran, ma saameeyo Qaxootiga
tirada badan oo ay Dawladdu ku aqoonsato xaalado
gaar ah.

Qod. 2aad

GUDDIGA AQOONSIGA QAXOOTINIMADA

1. Waxaa la dhisay Guddi gaar ah oo leh awoodda
aqoonsiga Qaxootinimada, wuxuuna ka kooban yahay
Xubnaha soo socda.

a) Qof ka wakiltah Heriiradda...

— 430 —

- b) Qof ka wakiil ah Wasaaradda Arr. Dibadda.
— Xubin.
- t) Qof ka wakiil ah Ciidanka Booliska Somaliyeed
— Xubin.

2. Wakiilka Laanta Ummadaha Midoobay ee Qa xootiga u jooga Dalka J.D.S. Ama qof ka wakiil ah goob joog ahaan ayuu fadhiyada Guddiga uga qeyb geli ka ra'a, wuxuuna xaq u leeyahay in uu ra'yi dhiibto, Gud digana u tebiyo wixii macluumaad ah ee ku saabsan qofka arjiga soo qortay.

3. Guddigu wuxuu degsanayaa habka iyo qaabka uu xilkiisa ku gudanayo.

Qod. 3aad

Soo gelitaanka qofka magangelyo doonka ah

1. Qof kasta ee magangelyo doon ahi waa in uu iska xaadiriyo Ciidanka Nabadgelyada ee jooga meesha ugu dhow ee xadka uu ka soo galay, haddii aysan ka hor istaagin duruufo gaar ah.

2. Ciidanka Nabadgelyada ee lala xiriiray waxay sameynayaan baaris hordhac ah, waxayna warbixin u gudbinayaan Guddiyada Nabadgelyada ee Degmada iyo Gobolka ee degaan ahaan ay hoos yimaadiin.

3. Guddiyada Nabadgelyadu waxay qofka magangelyo doonka ahi siinayaan aqoonsi ku meel gaar ah ee Qaxootinimo, ilaa iyo inta Guddiga aqoonsiga Qaxootinimadu Go'aan ka gaarayo.

Qod. 4aad

Habka arji qaddimaadda

Marka laga saaro xaaladda ku tilmaaman qodobka hore, qofka magangelyo doonka ah wuxuu arjigiisa toos ugu qaddimayaa Xoghaynta Guddiga Aqoonsiga Qaxootinimada.

Qod. 5aad

Dib u eegid

1. Haddi Go'aanka Guddiga ku xusan qod. 2aad

— 431 —

qofka arjiga soo qortay wuxuu Guddiga ka codsan ka raa in uu dib u eego Go'aankiisa.

2. Codsiga dib u eegidda Go'aanka, qofku waa in uu soo sababeeyaa, soona raaciyaa wixii caddeymo ah oo codsiigiisa saldhig u noqon kara.

Qod. 6aad

Cabasho

1. Haddii uu Guddigu mar labaadka ayido Go'aan kiisa diidmada, qofka arjiga soo qortay wuxuu cabasho u qoran karaa Maxkamadda Sare ee J.D. Soomaaliya.

2. Go'aanka Maxkamadda Sare waa kama dambeys, baaristeedana waxay ku koobnaanaysaa dhinaca sharciga oo keliya.

3. Maxkamadda Sare waxay kaloo awood u leeda hay dhegeysiga cabashooyinka laga soo qaato Go'aan nada la xiriira arrimaha ku tilmaaman Qodobada 31, 32, iyo 33 ee axdiga Ummadaha Midoobay ee 1951.

Qod. 7aad

Marka qofka loo aqoonsado Qaxooti wuxuu xaq u yeelanayaa in la siiyo aqoonsiyada iyo qorraallada ku tilmaaman axdiyda ah ee la xiriira aqoonsiga Qa/mada.

Qod. 8aad

BURIN

Waxaa la buriyey Xeerka tirsigiisu yahay 47 ee soo baxay 15ka Luulyo 1979kii kuna saabsan habka aqoonsiga Qaxootinimada.

Qodobka 9aad

Dhaqangal

Xeerkani wuxuu dhaqan gelayaa marka uu saxiixo Madaxweynaha J.D.S. waxaana lagu soo saarayaa Faa finta Rasmiga ah ee Jamhuuriyadda.

Muqdisho, 2 Glu. 1984

MADAXWEYNAHA J.D.S.